

مجله تاریخی

مطبعه و محل اداره :

جفاله اوغلتیده امنیت
مندیوغی جوارنده
شنگول یقوشنده
۲۷ نومبر

مسلکمه موافق آثار
جدیده مع المنونیه
قبول اولنور

درج ایلمه بن آثار اعاده اولتماز

دیر ، فلسفه ، علوم ، حقوق ، ادبیات تاریخ ، سیاستنامه و بالخاصه احوال و شئونه اسلامیه و بهجت ایدر و هفته ده بر نشر اولنور .

صاحب و مؤسسلری :

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

آبونه بدلی

سنه لکی	التی آیلنی	غروش
ممالک عثمانیه ایچون	۶۰	۳۰
روسیه	۶۰	۳۰
سائر ممالک اجنبیه	۱۷	۹

آلتیجی جلد

۲۸ شعبان المعظم ۱۳۲۹ پنجشنبه ۱۰ اغستوس ۱۳۲۷

عدد : ۱۵۵

معنی اوله جقسکیز . در تیوز میلیون مسلمانك فاتحه لرنده حصه کز اوله جق ، اوتوز ملیون عثمانلینك لسان تکریمنده بادکیز قاله جق . نشیده لرنده سطرلریکیز اوله جق ، بو وطنك آفاقنده خوش صدالریکیز قاله جق ، رحمتلر سزه ، حسرتلر بزه شهیدلر عسکرلر .

عمر فوزی

ابراهیم علاءالدین بك :

چو جق شعرلری

مناسبتله .

نه بر طلوع ، نه بر غروب لوحه سی بینه سیر ایدمه مهین محله لرمزك گوشه لرینه صیغوب افقلر ، آسمانلر تخیل ایتمك : آوروپانك فسحتكه تفكراتی قارشیدینده ، حقیقه ، بك بیوك بر اقدار فطرییه وابسته در . بز ، بتون حرکات وادرا کاترك دائره شمولی هپ بومقیاس داخلنده چویره جك ولورساق ، عصر لرجه آلفیشلانان بیوك سیالردن ، یوکسك دهالردن نیچون محروم قالمقده اولدیغمیزی همان اكلارز . واسع افقلر . . ایشته اکیسکمز ! فقط ، افقدن وسعت اراضی خاطره کله سین . . اصل طار اولان افق فکری مز ، افق وجدانی مزدر ، دماغمز صانکه بر دمیر جنبه کچمش کبی دوشونه میور ، یورولیور ؛ قلیمز سفلی هیجانلردن آریلامیور ؛ مملکتك اكنکی ، اكن آجی فلا کتار اوکنده بی حس . . اکن کیسی ، مهم بر مسئله ده اعتراف غباوت ایتمکده . . نیچون ؟ شبهه یوق که ، کندی کندی یتشدر . مدیکی ایچون : باشقه لرینه سرفرو ایتدکجه ، هر خیری باشقه لرندن بکله دیکجه هیچ بر فالقندن قورتولامایز .

بو بر قاج سطر مقدمه ، « چو جق شعرلری » نك بزده ، دهها بوکون بولونمش بر موضوعه کچمکده کوستردیکی قدرت سراندازانه دن حصه مند اولمان بر افتخار غیابی تاثیر پله یازیلدیور . زواللی شاعرلر ، هله ، صوک زمانده ، عین یرده دونه دونه ، کوزلری قارارمش کبی آرتق نه سویلدکلرندن بی خبر ، اطرافیه کندی دورانلریله هم حال ظن ایدیورلر . . خایر ، روح ملته ، باخصوص ، یاورولرک روحنه نفوذ ایدیکز : اولرک دائما علویه توجیه بال ایتمک ایستین امللرینی کوره جك ، اولرله متحسس ومتأثر اوله جق ؛ ص-وکره قلمکیزی ساحه مضیق خیالکزدن طاشیره جقسکیز . .

ایشته ، « چو جق شعرلری » ، بو طویفونك اوزرنده آتلمش ایلک محترز خطوه در . او ، دیکرلری کبی نه مدهش بر خود پرستی ، نه ده کولونج بر شمات ادبیه عرض ایدیور : بتون کوکلی صمیمیه ، رفته ، شفقت وخیره محلوب اولدینی ایچون ، ایستورکه ، هیچ اولمازسه . یارین « اییلکله بسلنمین ، هیچ اولمازسه اختیار لغمز . بز ی تسلی ایدن پاک و مبارک حرمتلره چارچیوه لنسین مملکتك احتیاجلرینی دوشونه رک تألیف آثار ایدنلر آراسنده ،

فقط بو حقیقته بر فضیلتدر . ایشته بویه عسکرلردر که حربده جبانته کوستره مز ، دشمندن قاجاماز . سنجاغ ؛ بایراق ، طوپراق ویره مز . ارقداشینی قورتارمه دن کچه مز . بلکه کندی اولور ، ارقداشی قورتولور . چونکه او بیلیرکه اجل کلدکجه اولوم یوقدر . اجل کلدکده نصکره ده ؟ یارمه ده ، قجده ، خسته لقده ، باش آغریسیده ، حتی هیچ یوقدن بر فجه ده وسیله دن عبارتدر . هپسی بر در . اوت عسکری اولدیرن ، طیبی اولدیرن وظیفه دکن اولومك مقدر اولوشیدر . مسالک بوراده بالعکس فائده سی وار ، چونکه اثنای وظیفه ده اولن مسالک شرفی ده تنوج ایدره رک شهید اولور . اگر انسانی یالکیز مسالک اولدوره ایدی دنیا ده نه بر سیویل کنجلیکده تولور ، نه ده حربه کیره ش بر عسکرویا ساری خسته لقلر محیطنده یاشایان اطبا صاغ قالیردی . مسالکنده جسور ، فضیلت اغورنده هر آن اولمکه حاضر والهنه متوکل بر انسان دائما جوق یاشار . واولدکدن صکره ده ملتک ، انسانیتك قلبنده ابدیا یاشار . اشته بو وفاکار چو جقلری وظیفه نامه آنجق ضابطلری کری چویره بیلمشدی .

کیجه لین خاطرینی صوران ضابطنه عسکر رفیق آغریشمش حالیه ینه قیامه ، سلامه جابابور . تأثر کوسترمیور ، کمال متانتله (بر ششم یوق) دییوردی .

آه نه غریب بر خاطره در که صباحین اورتلق آجیلیرکن رفیقک جاوشی زواللی (وفا) رفیق اوغرامش احوال صحیه سنه دائر خبر کتیرمش سویلیور نهایتنده « سز صاغ اولک بنده طوتلدم ! » دییوردی . اوت زواللی (وفا) ده قولرایه طوتلمش ، فقط حالا آیاقده قالمق ، وظیفه کورمک استیوردی . رفیقک ضابطی رفیقک علاجندن وفا ده ویردی . آتی ده تسلییه باشلادی .

بر قاج کون صکره

بر قاج کون صکره وفا خسته خانه دن جیقیدی . سلاح ارقداشلرینه التحاق ایتدی . وفا خسته لغمک ایلک کیجه سنی الایک سنجاغی دیننده کچیرمش ایدی . سنجاغک روحانی و فانی چاپوق کری کتیرمش سلاحه سنجاغنه قاووشدیرمش ایدی ، فقط اسماعیل ایله رفیق ، زواللی ، چو جقلر ، آنلر دونمایلر ، انلرایچون سفره وسیله بویول اوله جقمش ارتق کلدیلر ، کیتیدیلر ، اوچدیلر ، شهدا الایلرینه قارشیدیلر .

اسماعیل ، رفیق ، شهید عسکرلر ؛ عسکرجه گلشله عسکرجه دوشمشله ، عسکرجه کیتمشلر ایدی . بونلر وطنه خدمت ایچون یوله جیقمش ، عسکرلک یولنده دوشمش ، عسکرلک امللریله شهید اولمشلر ایدی .

سز ، عسکر اولادلر ، اولجه آرامزده چالشیوردیکز ، شمدی یورکلر مزده یاشیور اوستمزده طولاشیورسکیز ، سزلر حربیه الای مقدس سنجاغک ابدی محافظلری قاله جقسکیز ، اردولره طساغیلان ، کندیلرینه شرفی خدمتلر ، غزالر ، شهادتلر آریان ارقداشلریکیزک

چو جلق عالمه خطاب ایدن قاج ادیبمز ، چو جلق عالمی ترنم ایدن قاج شاعر مز وار ! پڑ مرده کتبخانه لری طولاشان والده لک، پدر لک نهایت مایوس نظر لرنده : « عجبایازی یازانلرک زوجہ سی، چو جلقری یوقی ؟ » سؤالی او قونیور . « اولادیمی جسماً بو یوتمک ایچون تازه سود . صاف هوا بولویورم ؛ فقط کنج فکرینه جید ، نورانی صحیفه لر آچامیورم . » سوزلری هر عاقبت اندیش قلبدن دو کولیور . . . شو عقامت ادبیه نک سبی نهدر ؟ بن ظن ایدیورم که . . . عدم تنزل - بر زمانلر چو جلق اولانلر ، بویونجه چو جلقغه اکیلهمیورلر ! . . . کتابچیلر طرفندن ، منفعت مقابلنده عادتاً جبراً یازدیریلان قورو ، اعتقادن عاری ، ونکسر مکتب کتابلرنده ايسه هیچ بر قیمت خصوصیه بولنه ماز ؛ بونلرک هیچ بری دور طفولیتک رفیق وسیال فکر وأملنه نفوذ ایده مز . چو جلقره یازارکن ، مقصد : کوچولمک ، سقوط ایتمک دکل ؛ بالعکس ؛ یاورونک تروتمیز روحنه قدر یوکسلمک ایجاب ایده جکی تمامیه آکلاشلین ، اونک حباتی کندی حیاتمزه حیویله مک بر معرفت اعتقاد اولماسین . [۱]

بوراده ، نقایص حکومتدن بری ده عرضه مجبورز : مفید اثر لک مکافاتلندیرلما سی . . . کرچه طلب ، بر آز صافیانه کورونور ؛ لکن ، کنج قلملری تشجیع ، ای دوشونلری تقدیر نقطه نظرندن ، الزم در . بزده آقاده می ده ا تشکل ایتسه بیله ، معارف نظارتی تدقیق آثار وظیفه سنی در عهده ایتسه لی ، مملکتک خصوصی انکشافات فکریه سیله ده علاقه دار اولمالی ؛ نافع کتابلرک حکومتجه حق امتیازی بولمالیدر .

« چو جلق شعرلری » نک قیمت ادبیه سنی ، قیمت اخلاقیه سنی ، مینی مینی کو کرچین حیاتلره قرابت روحیه ده اظهار ایتدیکی صمیمیتی تقدیر ایچون ، الکزدن دوشورمیه جککزر اثرک ، یالکزر سر لوحه لرینه بیله کوز کز دیرمک کفایت ایدر . آچیکز ، « دین ، منظومه سنی ، عجبایانکی یاورو قلب اونی از بر لرکن : « - بن مسلمانم ! » دیه حایقیرمیه جق . . . هانکی بابا اونی دیکرکن منتدار اولمایه جق . . .

مائی کوکلر ، یشیل یرلر ، شهرلر ؛

بزه شرف فیصلدایان ، هرلر ،

اویان دیه اوغولدایان قورولر

دوشون ، باوروم ، بویرلرده نهلر وار ؟ .

ایشته . . . بومبارک مملکت ،

نهله کی اونی سوده ، خدمت ایت . . .

سکا سلام ای عثمانلی بایراغی !

کیم بیلیز ؛ بونلری حیویلدا یان پنبه دودا ولر نه درین بر شقه حزن وتأثرله تیره جک ، کوکلرده نه قدر آسوده حسله له فدا کارلقلر دونمایه جق . . . آنه کی آیریلنماز بر رابطه ی تسلیم لیدن چو جلق آرتق وطننه کوزیوما جقمی ؟ باش چویره جکمی ؟

[۱] « لوی رانیسون » ک (مضحکه طفلانه) نامنده کی اربنک مقدسه سی .

طبیعتک کوزلرک لری نقشه ، بعضاً رسم ، شمردن زیاده موفق اولور ، فقط ، رسمک - ممکن دکل - موفق اوله میه جقی بر خارقه بیان وارسه ، ایشته اوده : « کلبک »

بیاض ، یشیل ، سیاه ، صاری

او انجه جک قانادلی :

چنده بر منکشه یه

آچار اییکلی شمشیه . . .

نقشلی ؛ سوسلو ، مور ، صاری

او انجه جک قانادلی ؛

دوقونسه کز آریر ، سوز ؛

قالیر آووجده کولکلر . . .

تصویر اثر یسنی چیزن باشقهرقت خیاله تصادف ایتدی کز می ؟ « چفتجیلر » ، (قورو) نک ، (میلله) نک صحرائی تابلولرینی آکدیریور :

روزگار کلیر ، کوز یوزینی قوجاقلایان تپه دن ؛

یلپازلرله اکیملری اوزاقده کی دکرمن . . .

حزین حزین قوال سسی اووالره یاییلیر ؛

چفتجیلرک شلکینه دوغان آیده یاییلیر . . .

« ییلدیزلر » ، « دکزلر » ده بر اثر نفیس .

حاصلی ، پک ظریف ورنکین انجیلرله دونامش بو کوچو جک تاج طفولیتی ، آوروپانک ، کائناته یاییلان کیسوی خولیاسنه عرض ایدره ک :

— بزده ده اثرلرینی پیرلانطه لرله حک ایدن کنج صنعتکارلر وار . . .

دیه بیلیرز .

عثمان فخری

یامش محله لک اعماری مسأله سی

— ۲ —

یامش استانبول محله لرینک اعماری مسأله سی ، بعض طرفلردن اراضی وقفیه اوزرینه اقراض معاملاتک تسهیل وتوسیعی اساسنه مستند لواج قانونیه نک تسریع قانونیتی طلب ایتدیرمش اولدیفندن کچن هفته کی مقاله مده ، علی الاطلاق ارضی ترهین ایدوب بورجه آچمه آلمه یی مملکتتمزده قولایلاشدیره جق قانونلرک ، حالا عثمانلی امپراطورلری اراضیسنک اک چوق قسمنه مالک ومتصرف اولان